

115 年全國語文競賽臺中市複賽臺灣原住民族語言朗讀文章 【北排灣語】 高中學生組 編號 1 號

kisan nguljungulju a caucau

izua za kai a kemasi tjavulung tua se Taivan a mayatucu: “azua nguljungulju a caucau sinikiljivak nua Cemas,” inaya. azua patarevan: “inika selaing a Cemas tu masipun azua marka caucau a inika semusususu tua kamanguaq katua ngadan, a nazenangal sakamaya a kismulja tua pinaka nanguaq nimadju,” inaya.

aicu a kai nu tja langdan a pivavavan, namaya tua sinikisasa, ljekua aicu a kai makaya a sipupatarevan tua sivarungan katua kinaikacauan nua tjaasangasang a caucau i Taivan tua nanguaq, tua maseqetjan, tua kismulja, tua kipagaugaw, tua inika nasemususu tua kamanguaq nimadju.

ljakua nu pitua situcuan a caucau, aicu a kai matu neka anga nu patarevan. ayatua a tja pacucunan itua tja kinaqinaljanan tucu, masavid anga a “puvaruvarung a caucau”, kamanguaq sakamaya nimadju a macidilj a sikinemnemnem, a sikipaljakeljakev. azua caquan nimadju patje kisulikuz tua zuma, ljemkuya tua zuma a masa timadju, neka nu kakinemneman tua nanguaq tua nakuya, kivaca tua napaivatj a varung,..... tjuruvu aravac a caucau a napitua manguaqan sakamaya a mapacucun a lailaingen.

pai, azua marka “nguljungulju a caucau” itua tja siakai maquliquilip

anga, a mavan azua maru manguju anga tua maseqetjan, a inika macaqu a kitjan tua zuma, a inika kemljang tua kikamanguaqan, a inika nasemususu a pakamanguaq a masa timadju.

a patjanema ken taicu, sekinemneman aken tjai Yisu a tja Malailaing, tazua lutisang a ti Terisa, katazua marka dindusi a nakemasi tua maljian nu kinian a namangtjez a sema maza i Taivan. tjaulan niamadju azua mapaqaljayan nua ngadan katua manguaqan tua kinaikacauan, sa pasilevan a kipagaugaw a pasatua kinateveteveljan nua namapaula a caucau. nu pacunan a kemacauan, aku matu manguju aravac tiamadju! ljakua namasa tiamadju, sa tje valiti anga tua tja manguaqan tucu a qadaw.

aicu a itua namayatucu a tja kinaikacauan a namatjava aravac, aki tjen a uri makadjumak anan tua runanguaqan a sivarungan tua kinaikacauan, a ruseqetjan, a rukisamuljan, a nakipagaugaw, a inika nasemususu tua kamanguaq, aya-u?

qau nu mayatazua, aki ken a mavan a “puvaruvarung a caucau”, manu mavan aken a “nguljungulju a caucau” aya-u?

做一個愚笨的人

「天公疼憨人。」對現代人而言，似乎失去意義，到處充滿「聰明人」，會為自己謀利打算、保身。社會漸漸缺乏一些「憨人」，講原則、不佔便宜、不懂得利害關係、自私的「愚笨人」。想起主耶穌、德蕾莎修女和早期宣教師，他們放棄高貴身分、優渥生活，獻給弱勢的人群，換來了我們的幸福。我們是否還找得到善良、憨直、勤奮、奉獻、不計較利益得失的生命態度？我是「聰明人」還是「愚笨人」？